

道

藏

第二册

道藏

李一氓



文物出版社
上海書店
天津古籍出版社

图书在版编目(CIP)数据

道藏/上海书店出版社编. —上海:上海书店出版社,
1988.3(2005.6重印)

ISBN 7-80569-528-8

I. 道... II. 上... III. 道藏—影印本 IV. B951

中国版本图书馆 CIP 数据核字(2000)第 44776 号

道
藏(全三十六册附索引一册)

出
版

世紀出版集團
上海書店出版社

(上海福建中路一九三號)

文物出版社

(北京五四大街十九號)

天津古籍出版社

(天津河西區佟樓三合里)

印
刷

江蘇省金壇市古籍印刷廠

發
行

世紀出版集團發行中心

定
價

柒仟伍佰圓

1988年3月第一版 2005年6月第6次印刷
ISBN 7-80569-528-8/Z·18

目錄

无上大乘要訣妙經一卷	二一	三洞神符記一卷	二一四二
元始洞真決疑經一卷	二一四	雲篆度人妙經一卷	二一五〇
元始天尊說玄微妙經一卷	二一〇	洞真太微黃書天帝君石景金陽素經一卷	二一六二
太上洞真賢門經一卷	二一二	上清洞真元經五籍符一卷	二一六六
元始天王歡樂經一卷	二一二四	白羽黑翮靈飛玉符一卷	二一六七
玉清胎元內養真經一卷	二一二九	上清瓊宮靈飛六甲左右上符一卷	二一六九
玉清无上內景真經一卷	二一三〇	太上洞真經洞章符一卷	二一七七
太上真一報父母恩重經一卷	二一三〇	太上秘法鎮宅靈符一卷	二一八〇
元始洞真慈善孝子報恩成道經一卷	二一三一	元始无量度人上品妙經四注四卷附釋音	二一八七
太上元始天尊說消殄蟲蝗經一卷	二一三三	元始无量度人上品妙經注三卷	二一二五〇
太上安鎮九壘龍神妙經一卷	二一三四	元始无量度人上品妙經通義四卷	二一二九二
太上洞真安竈經一卷	二一三四	元始无量度人上品妙經內義五卷內義	二一三三二
太上元始天尊說金光明經一卷	二一三五	丹旨綱目舉要一卷	二一三三二
元始天尊說三官寶號經一卷	二一三六	太上洞玄靈寶无量度人上品妙經注三卷	二一三九二
元始天尊濟度血湖真經三卷	二一三六	元始无量度人上品妙經注解三卷	二一四四〇
元始天尊說酆都滅罪經一卷	二一四一	太上洞玄靈寶无量度人上品經法五卷	二一四六九
太上說九幽拔罪心印妙經一卷	二一四二	洞玄靈寶度人經大梵隱語疏義一卷	二一五一九
元始天尊說甘露昇天神呪妙經一卷	二一四二	洞玄靈寶无量度人經訣音義一卷	二一五二七
元始說功德法食往生經一卷	二一四三	真藏經要訣一卷	二一五三〇
太上玉華洞章拔亡度世昇仙妙經一卷	二一四五	太上靈寶諸天內音自然玉字四卷	二一五三二
太上三洞神呪一二卷	二一四八	諸天靈書度命妙經義疏一卷	二一五六四
		九天應元雷聲普化天尊玉樞寶經集注二卷	二一五六九
		太上昇玄說消災護命妙經注一卷	二一五八八

太上昇玄消災護命妙經注一卷

二一五九二

元始天尊說太古經注一卷

二一五九三

玉清無極總真文昌大洞仙經一〇卷

二一五九七

上清大洞真經玉訣音義一卷

二一七〇五

太上天通經注一卷

二一七一

太上赤文洞古經注一卷

二一七一二

无上赤文洞古真經注一卷

二一七一四

黃帝陰符經集注一卷

二一七一六

黃帝陰符經講義四卷

二一七二一

黃帝陰符經疏三卷

二一七三六

黃帝陰符經集解三卷

二一七四六

黃帝陰符經注一卷

二一七五五

黃帝陰符經解一卷

二一七五九

黃帝陰符經注解一卷

二一七六六

黃帝陰符經注一卷

二一七七三

黃帝陰符經注一卷

二一七七七

黃帝陰符經注一卷

二一七七九

黃帝陰符經解義一卷

二一七八二

陰符經三皇玉訣三卷

二一七八九

黃帝陰符經心法三卷

二一七九九

黃帝陰符經注二卷

二一八〇九

黃帝陰符經注一卷

二一八一七

黃帝陰符經注一卷

二一八二三

黃帝陰符經注解一卷

二一八二六

黃帝陰符經注一卷

二一八二九

黃帝陰符經夾頌解注三卷

二一八三三

黃帝陰符經集解三卷

二一八四五

太上求仙定錄尺素真訣玉文一卷

二一八五五

太霄琅書瓊文帝章訣一卷

二一八六五

胎息經注一卷

二一八六八

胎息秘要歌訣一卷

二一八六九

太清真人絡命訣一卷

二一八七一

太上洞房內經注一卷

二一八七四

陰真君還丹歌注一卷

二一八七八

崔公入藥鏡注解一卷

二一八八一

呂純陽真人沁園春丹詞注解一卷

二一八八七

青天歌注釋一卷

二一八九〇

學仙辨真訣一卷

二一八九三

太上洞真凝神修行經訣一卷

二一八九五

上清握中訣三卷

二一八九七

紫陽真人悟真篇注疏八卷

二一九一〇

紫陽真人悟真篇三注五卷

二一九六八

紫陽真人悟真直指詳說三乘秘要一卷

二一〇一九

紫陽真人悟真篇拾遺一卷

二一〇三〇

無上大乘要訣妙經

宿四

爾時

大尊以龍漢之年於大福堂國化作自然七寶玄臺衆寶莊飾懸繒華蓋周覆一國於中平坐放大光明遍照十方無極世界一切朗然當是其時大聖衆神飛天神王丹靈真老太上三炁天君王晨上皇諸真人左右二真无量大眾一時同會三界大魔王萬海中龍王十方仙人衆光來至奉獻珍寶價直无量百和之香不焚自薰天鈞妓樂同時俱作。元始天王告太上大道君曰子積勲重大神智得道教化衆生開度一切三便已達萬聖之宗悉爲備矣然未得此无上大乘要訣究竟常住无量大法累劫積德今果之矣因授以无上大乘要訣至法上无復色下无復淵究竟法身得不退轉位如我也并以三乘之法濟度衆生汝當勤行大慈之心令諸衆生得離煩惱超拔三界爲之橋梁於是太上帝君避座稽首前受記旨而作此言今聞此法音心懷踊躍得未曾有所以者何我

昔學道以來獨處山林或坐或行每作是念我亦同入法性云何天尊以小乘法而見濟度然我咎非天尊也所以者何若我發心修行洞慧必以大乘而得度脫我等智淺聞有道教法而便信受遂獲仙度支年而住不聞有此无極大乘之法今蒙告誨疑嫌泰然今日乃知是道真子從道中生從法化生於是道君不勝欣釋以偈頌曰
我聞是法音 得所未曾有 心懷太歡喜
疑網皆夷却 令不失大乘 无滅壽長久
能除衆生惱 我聞諸漏愈 情斷住小乘
自責最上咎 今獲无上記 至極諸苦解 同共一法中
我昔未知此 煩惱諸衆生 孰能達伏倚
積德行所招 今蒙甘露灑 金色三十二
八十種妙體 功德甚深重 魔王莫能訾
於空法得證 疑悔悉已洗 波巡並降伏
今爲稽首禮 道言我昔於无数劫所說无上帝常教化汝等汝亦長夜隨我受學隨所應度引導汝等

生道法中欲令汝志造我上道而汝彌委得小乘法而謂已足我今爲汝說大乘經名无上靈寶教諸真法
天尊曰汝積行厚重今得所願位登无上智慧具足臺闕七寶天華輝輝汝亦當以三乘法教化衆生於是衆聖共會諸天並集見道君獲无上果記心大歡喜踊躍无量各脫天衣及妙華香而以供養諸天妓樂百千萬種於虛空中一時俱作一切大眾皆發无上真正道意爾時
道君得无上道記白
天尊言昔隨教法能離衆中生老病死常住之法願爲四衆說其因緣今離疑悔无尊曰諸有智者以譬喻得解譬若文人其年衰邁財富无量其家廣大唯有一門百餘許人住止其中堂閣朽敗欻然火起即大驚怖我雖得出而諸子等火宅嬉戲不知怖畏火來切已不知爲患告諸子曰此爲火宅垂應燒死甚可怖畏我有下車中車大牛之車今在門外可以遊戲汝等出來隨所欲得隨

意相給諸子歡喜競馳走出文人見子安穩得出於四座元復障闕其心泰然歡喜踊躍時諸子等各白父言先父所許玩好之具下車中車大牛之車願特賜與時文人各賜諸子等一大車其車高廣衆寶裝鉸周匝欄楯四面懸鈴又於其上張設軒蓋亦以珍奇雜寶而嚴飾之寶繩交絡垂諸華璫重數統紵安置丹枕駕以白牛膚色充梁形體殊好有大筋力行步平正其疾如風又多僕從而使侍衛大人言此諸幼童皆是我子我既豐富寶車無數應當等心各各與之不宜差別所以者何我衆寶周給一國猶尚不匱何況諸子各乘大車甚爲歡喜非本所望道言而此文人濟我子命火宅之難兼又賜之七寶之車我行大慈亦復如此我爲一切世間之父於諸怖畏哀惱憂患无明闇蔽永盡无餘恒以善事度脫衆生三界煩惱皆是火宅而諸衆生生老病死憂愁苦惱愚癡闇蔽三毒之火教化令入无上至真之道見諸衆生爲生老病死憂愁苦惱之所燒爇亦以

五欲財利故受種種苦惱又以貪著追求故現受衆苦後受地獄畜生餓鬼之苦若生天上及在人間貧窮困苦愛別離苦怨憎害苦如是等苦衆生沒在其中歡喜遊戲不覺不知不求解脫於此三界火宅東西馳走雖遭大苦不以為患道見此厄便作此言我爲衆生之父應拔其苦與其无量智慧无極道場命其遊戲以自夷釋道言若以神力不說怖畏者衆生不能以是得度所以者何是諸衆生免生老病死憂愁苦惱而爲三界火宅所燒何由能解聖之智慧如彼長者雖復身手有力而不用之但以慇懃方便濟諸子等火宅之難後各與珍寶大車我亦復如此但以智慧方便於三界火宅拔濟衆生爲三乘地仙天仙无上道衆汝等莫得樂住三界火宅貪著麗聲色香味之類若貪著生愛則爲火所燒汝速出三界當得三乘下仙中仙上道之乘此言信矣終不虛也汝等明此三乘聖所稱讚唯願衆生无所哀求靜定存思而自娛樂便得安穩无

爲快樂若有衆生聞法信受勤修精進求一切智慇懃傷衆生度脫一切是名大乘求此乘者名爲无上至極之士如彼諸子爲求牛車出於火宅我欲令衆生免三界苦得不滅樂道說三乘引導衆生然後但以大乘而度脫之此法无窮但不能盡受以是因緣當知聖人隨宜說法於是道君既受記歡喜而說偈頌曰
天尊說妙訣 今聞昔未曾 得道大智力 壽命不可量 一切皆歡喜 聞經之道場 勤修六度行 執志當勇猛 洞章布三界 妙響流十方 騰身大羅外 翺遊无爲鄉 大慈愍衆生 重告壽命長 一切具善根 除漏趣清涼 若求一切慧 行六度度行 守戒常清淨 堅志无上業 施寶設供養 盡心无悵惜 持此一心福 願求无上德 我得一切智 悉諸神定力 散香陳上願 累功在萬億 信受大乘法 念道達所著 邀神升空洞 萬願无堅塞 自我成仙道 無數劫已經 常演法教化 一切諸衆生

念入玄真迹 神方過爾形 鍊體久規法 停神在上清 我常住於此 勤行升大羅 遊樂造玉京 衆仙爲知識 神爽得夷榮

哀哉諸衆生 彌沒於苦惱 故不爲現身

今其思妙道 因心有翹慕 爲之敷靈寶

躋神達玉京 宮殿甚珍好 劫盡水火蕩

其土隨運浩 玉林耀華果 法池可練澡

无爲洞无爲 不食亦充飽 自享无終壽

畢契衛三寶 念罪諸衆生 惡業爲因緣

萬劫更痛惱 不聞靈寶篇 賢者修功德

柔和質保堅 求得道場處 託孕入華蓮

法音悟耳目 群旅並諸天 升仙壽无量

仁者當歸賢 久修業所得 破魔拔穢塵

壽命无數劫 挺質求長生 煩惱悉已盡

速成无上真

天尊曰是大乘經甚爲深奧淺識之人迷惑不解其餘下仙信道語故隨順此經非已智慧忿惱慢怠者莫信此經凡夫淺識深著五欲聞不能解亦勿爲說設復有人不信是經

聞有受持供養齋戒讀誦而毀謗之輕賤憎嫉而懷結恨是人之罪甚爲巨重命終之日墮地獄中經無數劫嬰大徒苦從地獄出還墮畜生之中受諸漏形亦顯萬毒惡瘡皆以身受雖云得生其苦頗重誇斯經故獲罪如是若此罪人後生人中諸根闇鈍偏患癰癰盲聾背偻其有所言人不信受口氣常臭鬼魅所著貧窮下賤爲人所使多病消瘦又无衣服雖親附人人不在意若有所得尋復亡失或爲醫道順方治病更增他疾或復致死

若自有病无人救療設服良藥而復增劇反

逆劫盜重輒橫權其殃如斯罪人未不得見

衆聖神王說法妙經若有持戒清潔之人翹

心信道希求大乘此諸人等乃可爲說靈寶

妙經道君稽首請問

天尊自此末世若有善男子善女人聞是靈

寶經隨所願欲齋金寶信受及往觀聽得幾

許福爾時

元始天尊告道君曰當今末世若有清信道

士及餘智者不問長幼忽聞是經若能受持

飡味爲善者乃於功德之處敷演此事其中聞者又發信心功德甚大譬如一人家室富盛心發大願布施財寶以給衆乏又以道法教導衆生令得下仙飛騰五穀其福多不道君稽首曰甚多

天尊曰其人但施珍寶給與衆生其功无量

況復教之神方今得升仙此功雖重故不如

聞此靈寶經而爲歡喜其功甚大倍於施主

非可算計譬喻得知而此之人所爲不多乃

獲此功況復齋受而爲供養者耶若復有人

於講法處若復有人曾入齋戒乃語友人有

此靈寶經言辭深妙共往聽受是人功德

轉身得於大乘之跡利根智慧百千萬世終

不瘡痠口氣不臭舌常先病口亦无病齒不

垢黑不黃不疎亦不缺落唇不下垂亦不寒

縮口不喎斜不厚不大亦不顰黑无諸可惡

鼻不扁腴亦不曲戾面色不黑亦不屈曲无

有一切不可喜相唇舌牙齒悉皆嚴好鼻隆

高直面貌圓滿眉高而長額廣平直人相具

足世世所生常與福會亦與經教相遇令人

往聽功德如此何況一心齋戒承受讀誦其福无量不可思議爾時

天尊以偈頌曰

若人於齋戒得聞是經音斯人功為重獲福陪為深如有大施主

乃復為演法今其入仙真暫生若水泡疾生厭離心得道位真人

不如一句經教化同法人此人福深厚功德不可論得具足身相

口氣无臭穢吐納出煙馨後生天人中官殿既奇珍勸人坐聽經

何況受持者其福不可陳真道常為隣設復有人以國城妻子无量珍寶之物而供

養者是入所得功德不如受持此靈寶真經其福最多譬如一切川流江河諸水之中海

為第一此經亦復如是於諸經中最高其上又如眾星之中月為第一此經亦復如是於

千萬億諸經法中最高為照明又如白日耀光能除諸闇此經亦復如是能破一切不善之

闇又如諸小王聖帝之王最為第一此經亦

復如是於眾經中最高其尊又如大梵天王一切眾生之父此經亦復如是一切賢聖眾

仙之父此經能救一切眾生離諸苦惱此經能大饒益一切眾生充滿其願如清涼池能

濟一切諸渴之者如寒者得火如裸者得衣如子得母如渡得船如病得醫如闇得燈如

貧得寶此大乘經亦復如是能令眾生等離一切苦生死之縛若人能齋金寶受持供養

若復聞者其人功德諸聖神王天帝之王莫能籌計

天尊告道君曰眾生可愍嬰諸苦惱甚在可哀吾故愍勸重說是經汝勤廣開演濟度一

切道君稽首伏受命旨當是之時諸來會者咸皆發自然正真道意四座神王作禮而退

无上大乘要訣妙經

二經同卷

宿五

元始洞真決疑經

元始天尊說玄微妙經

元始洞真決疑經

爾時

元始天尊在協晨靈觀峻嶒之臺與太上道君及十二億高真上聖俱坐白玉獅

子之座具宣秘要開闡妙門自非天尊同業共行入道界人不預斯集是時天尊放五色

微妙光明遍照十方一切國土光中演出種種類音各隨風俗聞者皆解宣說諸法悉是

无常煩惱穢惡无自在者須臾變滅猶如夢幻汝等咸應生厭離想雖壽億劫不體道妙

終必死壞三清眾聖念念无常是故世間无可保者

元始天尊為汝等故權見應身教導汝等並得開度諸未度者為後世緣功成事遂誓願

克滿今當反神還乎无為湛寂常拒不動之

處汝等若有疑網之心悉來啓問當爲演說是吾輩後委訣之辭宜各及時勿懷憂悔復以神力震動大地周迴旋轉驚駭物心當爾之日三惡衆生皆得休暇人天之報各蒙增益元諸苦惱障難之事莫不一時遠近俱集其衆无量不可勝言是時大衆咸同一心瞻仰道君目不暫瞬稽首興悲而說偈言

元始无上天人師 今捨大慈離生死
獨反善寂妙一源 不住世間濟塵滓
真智淳淨无礙身 譬喻言辭莫能擬

○非是我等所知見 何能觀之悟玄理
我等始發上乘心 猶如初生小犢子
唯賴應身大悲牛 法乳飲饒成壯齒
天尊應現无比身 一切舍生所怙恃
云何一旦棄本誓 世間孤露失依止

善哉世眼大道君 了達真應无終始
願爲勸請元始尊 覆護衆生如父母
太上道君爲衆生故從座而起稽首天尊惟願大哀愍傷一切久留妙應常住世間教導利益使得成就咸蒙起度普入法門

元始天尊大慈薰心答道君曰乃能憂念一切舍生隨順世間請我住世道君當語此衆之中未入定者自我得道以來經无量劫常在世間未曾捨離若應度者常見我身運會遷移則不能見此劫衆生機宜所感當由道君而得度脫是故我今昇玄入妙汝等肉眼不能見我真實之身謂言滅盡但修正觀自當見我與今无異若於空相未能明審猶憑圖像係錄其心當鑄紫金寫我真相禮拜供養如對真形想念丹到功德齊等所以者何身之與像俱非實故若能明了非身之身圖像真形理亦无二是故敬像隨心獲福報之輕重唯在汝心貧窮之人泥木銅絲隨力能辦殿堂帳座幡花燈燭稱力供養如事我身承此因緣終歸正道必當與我期在大羅復告道君諸大衆中有疑未了隨意問難當助教誨令速悟解勿使失時

太上道君舉手告衆我奉天尊垂慈教勅令使汝曹決所未悟各宜知之是時太極法師真人徐來勒於大衆中從座而起到

太上前長跪啓曰臣以有幸預接尊顏加見訓示三寶洞極位忝上真法師之任過蒙甄錄未可爲喻今奉告命上問天尊誠非愚訥所能啓諸然臣既任法師方宣正道兼蒙教令不敢藏情輒欲諮問惟願弘慈指誨可不進退之義伏惟誠示

太上道君告來勒曰汝積功累德致上聖顯徵作大法師開導後學有疑請決正是其人時徐來勒歛容正服安庠雅步於大衆中猶如弟子在旃檀林從容无畏承道聖旨往詣天尊五體投地叉手作禮悲感涕淚上白
天尊向於光中已奉敕命重禮道君上宣勸督不揆愚淺輒欲諮問惟願天慈必賜哀許於是

天尊歡喜答曰善哉善哉汝有所問甚得機宜汝今善聽譬如國王統領天下具足七寶種種庫藏是王有時巡行四海以自娛樂普益黎氓儲君承統紹宣洪業加以委寄有大智臣贊揚正治利安臣民我亦如是運御一切爲大法王欲巡至妙昇玄之域以正觀心

導三清衆悉以正真秘密寶藏委付道君拯卹貧窮无善財者班錫功效精進之人復欲普令諸真大聖共弘正道隨機所稱各開利益亦如國王所付之臣必選深智堪委寄者然後付之汝亦如是又於无量微塵之劫捨欲中真精進猛勇智慧明了福德薰修故能發无上心諮詢大法我以圓足具福慧故善能釋汝疑惑之心知汝堪受甚深秘藏輔助道君弘道利物於是太極真人白

天尊曰敢問委世正法流行所說言辭隨從世典天魔異道添糅真經語以義求云何分別願示其要使將來世无留礙心

天尊曰道本无言亦无文字但爲世間无明衆生愚癡觸壁懸心寘道无由悟解故立世典漸啓童蒙乃寄語言宣示正道假借文字著述經圖語字乃同非復流俗子欲識者當一心聽有十二印印我正法若諸教中有此法印即是正經无此印者即是邪說何等十二一者世間有爲之法皆悉无常即生即變即老即滅逝水電光駿馬飈風莫之能比諸

大壽限期滿亦謝隨業流轉三惡道中大期死壞易可知覺變易无常世不能了三清之人見生滅相覺无常苦智明了故體无相故以智慧故能知能覺忘不著故不以爲苦而是任放恬愉安樂懸解未圓故隨念生滅二

者一切世法皆无有我不自在故非真實故相因待故三者世間有心之法皆悉苦惱何以故可逼迫故可違逆故无常遷滅故苦有二種一麤一細云何爲麤一切受生老病死壞冤家合會恩愛分離所求不稱是名麤苦

云何爲細苦即細无常念念損壞真是苦惱人不能知是名細苦四者一切世間不淨穢惡亦有麤細麤者可見細不可知如世肉身皮膚血脉大小不淨屍形臭爛是麤不淨煩惱結漏慧者棄薄是細不淨五者萬物皆是空无性无實故假衆緣故六者出世昇玄至

道常住湛體自然无生无滅離有爲相七者真一妙智自在无礙神力所爲隨意能辦故名大我八者離二无常不受諸授心相寂滅故名安樂九者真性虛通離一切相无染无

穢是名清淨十者至道真實非僞雜身是金剛身故名善有十一者是世間法及出世法皆假施設悉是因緣開方便道爲化衆生立名字十二者正道真性不生不滅非有非无名正中道十二法印定我法門隨其有言

即宜遵奉无此說者不可修行吾以道眼遙於寂地觀察衆生有能分別明了法印依教行者我即化身種種示現人天六道隨宜施作條有款无權示接引覆護輔持令无留難卿當以此正法之印普告天人咸使知識按法奉行太極真人稽首奉命

天真皇人避席稽首上白

天尊我於今日欲有所問惟垂聽許

天尊告曰善哉善哉恣隨所問

皇人啓曰不審初學未入定位何所修習以爲階梯

爲階梯

天尊曰善哉皇人乃能爲諸未悟衆生作如是問末世男女當得其恩夫爲學者初修十事以爲階梯如人沿梯從初一杪至第二杪乃至極頂陞階亦爾自下之高要須先習此

十事法然後乃能深入正觀何等爲十事法
一生信樂心乃能進趣二近善友遇善友故
引導其心深信正道三造明師師有妙法廣
能宣告示以要術四聞正教能受讀誦五能
出家離諸桎梏六受正戒防身心口七隱山
林栖道獨處永離羣塵修寂靜志八念大道
真是法王能度衆生越生死海猶如船師拯
濟沉溺九念經教是妙醫方能示衆生治煩
惱藥十念法師是真父母善能生我法身慧
命因是十法能令行人增進正解入決定位
如陟階梯至于極頂

皇人又問云何名爲修習正觀登頂之相
天尊答曰始學之人精修十行爲方便道學
相似空能解衆生无真實體漸悟微塵亦无
真性悉皆虛假入一相門堅固不退是名登
頂如上高山至頂得住而无退墮知不退已
進更修習轉得勝明能生真道力用增益似
於无欲體滯著故故名爲似入真法門故名
无欲甚深正教能通衆生入无欲道復名法
門无欲增長洞解真性正見諸法无生滅相

轉出生死破諸魔衆心如瑠璃映徹无礙正
中之正畢竟求斷名轉法輪法輪之體是真
實智運出三界超踰玉清到常寂處故名法
輪是諸神尊得是法已復欲令彼諸衆生等
乘此正智出到道場方便善巧如所悟說因
此巧說今得開曉轉暗入明由此妙教是故
復名爲正法輪如車有輪能運乘者隨意所
至到安樂處是正法輪亦復如是能載行者
至解脫處又如國王有大輪寶能破怨敵是
法如是能破四魔異道怨敵是故復名正法
輪也是名修習正解正觀登頂之相

皇人復問若諸大士於惡濁世欲教衆生先
以何法而成熟之願垂告誨得兼利益
天尊告曰譬如良醫善知治術然後能治一
切病苦如此經者即世良醫能示衆生治煩
惱病之要術故所以者何未見此經不識衆
生造惡根源顛倒病相又不能知治斷之法
如愚癡人身嬰重病不遇良醫隨心自服諸
餘毒藥病既不愈橫夭其壽始學之人不遇
此經亦復如是暗習邪道以自救度既不得

度墮三惡道是故應當聽受是經識醫良術
乃能療諸毒惑之病過度神仙云何爲術行
者欲度一切衆生先當入定察其緣起樂欲
根性差別若干貪欲偏重說身无奇不淨臭
穢諸惡充滿破其染愛念想之心嗔恚多者
示四等行使學慈仁忘我愛物解其忿懣今
无慈惱愚癡重障示以法門方便教誨令得
慧解散亂之人示令守一拘魂制魄專柔其
心學嬰兒行著諸見者示以空相泯其分別
計畫之心多憍慢者示无我相无自在力何
所恃怙而起高心不久磨滅終必死壞苦惱
逼迫无暫安時以无常苦通治諸病常念正
道等療衆疾是名成熟衆生之相既成熟已
堪任爲說重玄兼忘平等正法入真實際是
名大乘教化之術此經如是示善治法是故
我說喻如良醫得此經者能識衆生諸所偏
病及以等病隨宜投藥无不差愈如此人者
亦名醫王依此經故能消衆惱是故復稱爲
智慧藥能生智慧離煩惱病故名智慧藥卿
等當知名義元量或說因爲果或說果爲因

能如說教法為智慧藥者是名因中而受果
稱何以故能愈病者乃名為藥是智慧藥從
正教生是故正教名為智慧藥此經非但能
治惑病亦能發生妙善之法能使學者到常
樂處不死之官譬如甘露有服之者終无橫
死長命延年此經如是有服行者必得常恒
安樂之命若有不能行巧方便學一向作解
而起執滯更增煩惱不保長生譬如有人雖
服甘露不能將節傷損藥性反致毒傷是故
應當於正法門深解方便隨宜取悟證甘露
道是乃名為得法利益皇人作禮稱善復塵
上相育童君內自思惟天尊所說十種階梯
為如學者入道方便始是之相我尚未了初
發意者豈能解耶作是念已從座而起嚴整
衣冠一心庠序到天尊前禮畢長跪白天尊
曰向聞十法為修行階梯愚未能解願重告
示云何名為善欲之心
天尊曰善哉上相問有二種一者狐疑未解
故問二為一切未解者問上相已於久遠劫
來善解知聞通達正法已入道界沐浴法流

並觀空有善知廣略說法之要為衆生故方
便啓請夫說法者有二種相一略二廣為鈍
根者亦略亦廣但開一門故名為略若多說
者智不堪故於一事中分別說故名之為廣
以其難悟指掌慈愍故名為廣為利根者亦
有廣略備開法門是名為廣智力堪故不須
曲碎而能具解粗釋一隅故名為略我為皇
人處中為說初學下根理所未究上相慈愍
為來世人啓請分別今當廣示言善欲者承
宿習因自然而發信敬之念願樂三寶欲求
出世厭惡世間一切衆生凡所為作皆因欲
生若欲行善則能趣善欲行惡者便造惡事
是欲所本由根利鈍福果之人稟氣明利其
根利故能生善欲鈍根罪報受氣濁奪其根
間鈍則生惡欲習欲增積成性不移是名分
別善欲之相
青童君曰云何復名近於善友
天尊曰友亦二種有敗有成若人勸言人生
受報任命自然數盡終敗非關習業如刺頭
尖大燥水濕誰之所為凡聖愚智貴賤富貧

誰作之者但能守分達其所稟從容自足何
須苦行求學善法矯性自傷勞而无獲尚无
見益何道之有作此說者名惡知識不可親
近宜即遠離若有說言一切果報由業緣來
肉眼不親三世報相謂言自然此非實義汝
勿信之當發善志尋師問道修行正教為來
生緣轉入信根成无上道如是說者名善知
識如是之人常應親近何以故是能生成法
身命故能生二世福利樂故
青童君曰始聞善友利益之相云何名為造
事明師
天尊曰師有二種一華二實所言華者内无
所解外見解相光飾誑物令使信從是名愚
師不可歸依所言實者内解備故行无缺故
衣弊履穿謙光晦跡外若不肖名大丈夫若
因善友識此師者宜往服勤諮專嚴訓若說
小乘有得之義生滅相法有有有有因有
果說如是等名為暗師若說諸法无修无礙
无滅无生非有非无非因非果而有而无非
不因果巧解因緣假名中道示教是法乃名

明師

青童君曰如是天師甚為希有云何名為出家之相

天尊曰夫出家者義趣甚深利益弘遠家有二種一者恩愛二者諸有始學之人既值明

師志能勤苦執事奉承稟受妙訓若在居家父母妻子愛累自纏如處囹圄不得自在適志從容遠近隨師詢請玄業故求父母請別妻子捨離居室遠遊山林依憑精舍棄俗服玩黃褐玄巾捨世榮華惟道是務是名初出恩愛之家既出家已勤行齋戒免離三塗信根已立學靜入空離三界愛登九清是名出離諸有之家是名出家

青童曰我今乃離三惡道家願得出離諸有家也不審何者名為正教

天尊曰若有經文具十二印應三洞者是名正經自此之外皆名邪法不可受持當自請師審之分別

青童君曰云何名戒

戒者三戒五戒八戒九戒十戒二十七戒百八十戒三百大戒止惡防罪未達方便名有得戒止離三塗及人中苦未入道分若戒諸法畢竟空寂是名正戒无持无犯開正觀門為道根本

青童君曰云何名為隱處山林

天尊曰是亦二種下士小心常畏諸塵之所染汙故入巖阜林藪之間避諸穢惡靜然端拱修清淨行上士在世不畏塵勞雖居世間无所染汙猶如珠玉體性明淨處智慧世依无相野是名善解山栖之相

青童君曰云何名為念道之相

天尊曰夫念道者通能制滅一切惡相猶金剛力无所不斷猶如猛火无所不燒念有二種一念生身七十二相八十一好具足微妙人中天上三界特尊是我歸依覆護之處二念法身猶如虛空圓滿清淨即是真道亦名道身亦名道性常以正念不間餘心是名念道

青童君曰請事要言云何復名念經之相

天尊曰經有三種大乘小乘及以中乘係心受持常生信慕存想不移審知是法是出要道无他雜念是名念經若知諸法本无文字正觀實相達其旨趣亦名念經是名善解念經之相

青童君曰云何念師

天尊曰師者父也我若无師不能得道是故應當遠近隨逐心眼觀想常在目前不替須臾无他離此是名念師又當正念一切得道大聖眾真通是師寶皆能訓我是良福田係念歸依心心相續邪念不趣是名念師

青童君曰始蒙開明諸疑永斷來生男女元復速感禮拜畢已依位而座

元始天尊抗手告眾汝等當知我之真身清淨无礙猶如虛空不生不滅常住善寂大智慧源雖復窈冥其精甚信无量劫來證此真體安恒不動超絕无倫非聖所知非凡所解為衆生故現應受身遊入五道稱緣開度隨宜方便皆使悟入應物根性權示色像故名應身而此應身亦无生滅无有去來常住不

變爲利一切隱顯不同發起精進令无退轉諸所應作皆已畢訖所未應行道君自了汝諸大衆真宜共奉承勿於我所生分別念作是語已冉冉升空大衆極目不復能覩是時衆真哽咽號慕如失父母仰空作禮轉拜道君而說偈曰

无上淨妙真智身 真實无相莫能覩
但現應體還本源 是故各懷大憂苦
仰賴太上有極尊 猶如失母依慈父
衆生沒在憂火中 惟願時靈甘露雨
斷絕倒想戀著心 消除諸見滅邪趣
太上道君告四座曰汝等當知一切諸法皆空寂相生死道場性无差別不應妄生去來之想若始發意當識无常各求自度離生死苦

天尊遺教戒勸分明努力勤修早求解脫勿懷憂惱虛喪善功說是語已即與侍從還返玉京諸餘神仙十方來者各禮道君一時而退
元始洞真決疑經

元始天尊說玄微妙經

道言欲達玄微之妙當靜念依時行道至春分日夜半時起坐東向冥目存我身中三官三一三卿及我合七人我在中央也俱乘紫氣之煙共登北斗陽明星陽明星者北斗之東神也於是存入星中央坐之吞紫氣三十過行之久久自見陽明星東元太上官官中有青玄小童授子真光也先當從存北斗星下紫氣大如弦從上直下注我前然後乃存三一也周君曰口訣存七人中斗七星而共登陽明鴈行我居中央也巾星者以魁覆頭柄杓前指也吞紫氣三十過我存紫氣而嚙之也又思三一三卿並同時吞之也吞畢更存七人乘紫氣空中來下還兆三官中良久心祝曰

三尊上真 太玄高神 陽明主春 萬童開門
丹元主夏 朱紫合煙 陰精主秋 天威六陳
北極主冬 萬邪塞奸 五土秉土 戊己天關
所推皆滅 所向莫干 鍊我七魄 和我三魂
生我五臟 使我得真 登飛上清 浮景七元

長生順住 齋命千神

畢亦可眠存之四節共此一呬耳至夏至之日夜半時起坐南向冥目存我身中三官三一三卿及我合七人我在中央也俱乘紫氣之煙共登北斗丹元星丹元星者北斗之南神於是存入星中共坐吞紫氣三十過行之久久自見丹元星南極太上官官中有朱陽靈妃授子絳書寶文也至秋分日夜半時起坐向西冥目存我身中三官三一三卿及我合七人我在中央也俱乘紫氣之煙共登北斗陰精星陰精星者北斗有餘字八節自宜案曆之八節蓋璇璣之正度也萬真靈仙神明朝宴之日也

北帝自然法月數之中日三景氣相適之日亦大吉時也宜以建修思道併而論之吾從唯一外國以月一日爲建二日爲除以次數之今窮景无曆日此乃可用匈奴國以正月一日爲甲寅朔六甲周而復始正月大二月大三月小四月大五月小六月大七月小八月大九月小十月大十一月小十二月大若

窮景深林外迹冥絕者亦當案此也每至連日或月一日平旦存三一從已三官中出生已前乃心起再拜若如見之髣髴因心祝曰天尊三帝守恭命門出游虛中六氣玄分養我五神正我三魂五臟自生長生飛仙畢又存從虛中還三宮良久嚙液三十過作十過為之夜當夢見三一及三卿也或夢見白鳥白鶴白虎金玉之物皆三一之化景示象也如是守之勿殆則見之象也對面之漸也每至除日夜半時密起向北視北斗七星之內象見三一從輔星中下來入已三宮中畢還寢靜思存之髣髴似見乃微祝曰太上天輔三帝所游三卿扶骨與真合俱下入我身安寂坐无吐精灌形魂魄和濡使我飛仙雲行游浮畢嚙液二十七過月取一除日耳每至開日夜半起坐東向去巾亦可散髮更梳櫛結之結令良久畢微呼曰上元三真真中嬰兒散髮開煙上通天台泥丸堅凝與天同時使我飛仙交行洞臺畢嚙液十九過畢乃巾而寢精心存三一三卿各

安其宮帝與卿相對而坐存三一呼氣宮中三十過已存時亦自呼氣三十過也呼氣者開口吐氣之法也其時亦覺一體熱則和神凝魂之驗也存一皆閉臨兩目內視神宮也存一之道使太上三素氣見三宮中三素者紫青綠三省色氣也紫在上也則存守三一在其中因想見北極紫戶玉宮使天官序列思我帝將在前對坐所求乞乃心拜焉太上是上清也上清之帝極貴者也北極紫房帝之房耳亦存已三一與帝論飛真生之道也凡臨盛饌皆正心存一因想一先飲食然後兆乃食之也恒如此則邪氣遠退真氣來前飲食畢心祝曰百穀入胃與神合氣填補血液尸邪亡墜長生天地飛登金闕役使六丁靈童奉衛守一之法以甲午甲辰甲寅日夜半掃除靜寢之庭方圓一丈布席燒香北向再拜亦可心拜而已因仰視北斗七星使紫氣從斗中出入兆身中三宮之內向北接手兩膝上存三一三卿與兆俱乘紫氣上登太極太極星也令忘身失體恍然如昇天之

狀如此則仙道近矣仙人謂之大靜也陰兩可於寢牀上思之亦可預作壇於靜處使方圓一丈籬四面使高數尺至日恒當修之此大靜之道也守一之道常伺月初出之時向月再拜畢微祝曰太陰玄精明月夫人初生流光照我三宮神仙上飛高游八方所向所願皆與福中守一之道恒存北斗覆頭上柄指前此百邪不干凶氣滅亡之要訣也守一人忌食五辛及一切肉履生產婦家甲子日存思又忌見醉人及諸穢臭皆避而慎也遣之勿疑矣又勿抱嬰兒已兒乃可不與人共衣履同牀席唯存一也思真靜神念道招靈皆得別處非徒此一事而已後聖金闕帝君昔受三元真一經太極帝君真符五斗真一經太極帝君寶章凡四訣後以傳仙人消子消子鈞河獲魚剖得青玉函發視獲二符二經法是也此太上內隱地真之上道亦得朝宴上清游眇太極飛遯崆峒寢息崑崙矣

按四極明科照生靈符之法諸有地真上經者皆有出傳年限盟誓三官委帛血壇割華之約乃得授付受者齋百日或五十日或三十日或二十一日或十日或七日唯必可教精心信真者當傳授守三元之真用二帝之符登五斗之道者是地真之上道也法以四十年得傳一人四百年傳十人止若元其人者白素寫一通封付五嶽隱密巖室之中須四十年輒寫一通封付五嶽耳夫五嶽者聚在一山而已不必均而布付五山蓋取其止處之近者也若不及嶽山者名山亦可也若北之抱犢西之地肺南之羅浮太和東之天台括霍是此之類皆名山也若四百年中有十人可授之過限不得復出矣違科犯泄不遵法度身請水官受風刀之考子孫殃絕滅後也其晚約之代血誓者是青童君受出以示晚學為求用之節度矣若受三元真一經當晚有道之師白素八十七尺銀鐸三雙一本用白素二十九尺銀鐸一雙耳上總合之也或用鈕三枚耳以代割華不漏之

約其受太上五斗真一經當晚有經之師紫文帛四十尺金鐸兩雙以代軟血敗泄券契也其受太極真符晚有符之師朱帛二十尺其受太極寶章符晚有經章之師碧帛二十尺以當登壇翦髮為殛身之誓也受者以待林澤山栖之窮不得妄用贍已之私矣違而不奉皆立割削之科身隕三泉父子傳授以晚盟如科傳授皆相師所以崇根本明天誠之苦也又不但施於此而已蓋欲更其有訓法始耳夫自非宿有仙骨玄錄者亦自不得聞見其真一之妙道也

元始天尊說玄微妙經

太上洞真賢門經
爾時

宿六

元始天尊即說十方天尊靈像一百八十道君千二百老君若廣說前劫天尊名號數若微塵窮劫說之亦不可盡今說近劫成道十方天尊應身乃有五百七十三天尊之名號者禮拜讚歎功德難勝若男若女聞此老君賢門經一句一偈獲福壽報滅除三業大罪如是種種功德不可具陳不可具載彈指頂禮唯諾而答敬奉教言是時

高上元始天尊又告東方普濟真人及諸仙眾曰東方九氣无極世界之中應身乃有一百天尊靈像之名號者今須至心歸命信禮至心歸命信禮東方玉寶皇上天尊至心歸命信禮太極冲用天尊至心歸命信禮无為湛然天尊至心歸命信禮託質靈應天尊至心歸命信禮无因獨濟天尊至心歸命信禮安和萬有天尊至心歸命信禮隱德冲變天尊